



BOSNIA AND HERZEGOVINA  
INSTITUTE OF METROLOGY  
OF BOSNIA AND HERZEGOVINA

Broj: 02.1-16-4-MA-871-78/23  
Sarajevo, 29.12.2023. godine

Na osnovu člana 61. Zakona o upravi („Službeni glasnik BiH“ br. 32/02, 102/09 i 72/17), člana 69. stav (2) tačka d) i člana 70. st. (1), (4) i (6) Zakona o javnim nabavkama („Službeni glasnik BiH“, br. 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, br. 103/14 i 49/23), a na Preporuku Komisije za nabavku broj: 02.1-16-4-AR-871-72/23 od 26.12.2023. godine, u postupku javne nabavke Laboratorijske opreme za laboratoriju za hemiju – Lot 5, direktor Instituta za mjeriteljstvo Bosne i Hercegovine donosi

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke roba za potrebe Instituta za mjeriteljstvo Bosne i Hercegovine, Laboratorijska oprema za laboratoriju za hemiju – Lot 5, iz razloga što jedina primljena ponuda nije prihvatljiva.

**Član 2.**

Ova odluka objavit će se na web-stranici Instituta za mjeriteljstvo Bosne i Hercegovine [www.met.gov.ba](http://www.met.gov.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 71. Zakona o javnim nabavkama.

**Član 3.**

Ova odluka stupa na snagu danom donošenja.

**Obrazloženje**

Postupak nabavke Laboratorijske opreme za laboratoriju za hemiju – Lot 5, pokrenut je Odlukom o pokretanju postupka javne nabavke broj: 02.1-16-4-MA-871-2/23 od 29.08.2023. godine.

Javna nabavka je sprovedena putem otvorenog postupka.

Procijenjena vrijednost javne nabavke bez PDV-a je 10.440,00 KM.

Obavještenje o nabavci broj: 648-1-1-2-3-7/23, poslato je na objavljivanje na portal javnih nabavki dana 12.09.2023. godine, a objavljeno je na istom portalu dana 12.09.2023. godine.

Komisija za nabavku imenovana je Odlukom o imenovanju Komisije za nabavku laboratorijske opreme broj: 02.1-16-4-MA-871-5/23 od 12.09.2023. godine.

Komisija za javnu nabavku Laboratorijske opreme za laboratoriju za hemiju – Lot 5, dostavila je direktoru Instituta za mjeriteljstvo Bosne i Hercegovine Zapisnik o pregledu i ocjeni ponuda broj: 02.1-16-4-AR-871-70/23 od 26.12.2023. godine, Izvještaj o radu broj: 02.1-16-4-AR-871-71/23 od





26.12.2023. godine i Preporuku o izboru najpovoljnijeg ponuđača broj: 02.1-16-4-AR-871-72/23 od 26.12.2023. godine.

U postupku po Izvještaju o radu je utvrđeno, da je komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda.
- da ponuda ponuđača konzorcijuma „SIRIUS 2010 - ALPHACHROM“, nije kvalifikovana, nije dostavljena u skladu sa tenderskom dokumentacijom.

Nakon uložene žalbe na Odluku o poništenju postupka javne nabavke broj: 02.1-16-4-MA-871-47/23 od 16.10.2023. godine, Ured za razmatranje žalbi BiH, je Rješenjem broj: JN2-01-07-1-3108-7/23 od 06.12.2023. godine naložio ugovornom organu ponovno ocjenjivanje pristigle ponude konzorcijuma „SIRIUS 2010 – ALPHACHROM“ za nabavku Laboratorijske opreme za laboratoriju za hemiju – Lot 5, u pogledu ispunjenosti tehničkih zahtjeva iz tenderske dokumentacije. S tim u vezi, Komisija je izvršila detaljnu analizu kataloga, brošura, tehničkih listova i slika ponuđene opreme i tehničkih karakteristika, te je ustanovila kako slijedi:

- niti jedna zasebna stavka iz dostavljenog kataloga samostalno ne zadovoljava tražene tehničke zahtjeve specificirane u tenderskoj dokumentaciji. Ove zahtjeve je moguće eventualno ispuniti kombinacijom najmanje tri različite stavke (peć, kontroler, otvor sa ventilatorom) iz kataloga, ukoliko se isporuče skupa.
- od šest modela peći iz kataloga, zahtjevanim tehničkim specifikacijama odgovara samo jedan model (L 5/13), a nigdje u ponudi nije jasno naznačeno koji model peći ponuđač nudi, pa prema tome nije bilo moguće ustanoviti ispunjenost tehničkih karakteristika ponuđene peći.
- jedna od zahtjevanih tehničkih specifikacija definisana tenderskom dokumentacijom je „Temperaturni kontrolor kojim se kontroliše i podešava radna temperatura, sa mogućnošću pohranjivanja minimalno 5 temperaturnih programa“, a za koju je ponuđač, kao dokaz o ispunjenosti tehničkih zahtjeva, dostavio tri lista brošure proizvođača (Nabertherm Controller series 500, strana 76, 77 i 80). Detaljnom analizom navedenih listova brošure Komisija konstatuje da od 12 ponuđenih modela kontrolera, zahtjevanim tehničkim specifikacijama odgovara njih 9, te da nigdje u ponudi nije jasno naznačeno koji model kontrolera ponuđač nudi, te prema tome nije bilo moguće ustanoviti ispunjenost tehničkih karakteristika ponuđene opreme.
- jedna od zahtjevanih tehničkih specifikacija definisana tenderskom dokumentacijom je „Otvor sa ventilatorom kojim se uklanjaju izduvni gasovi iz komore, a koji se aktivira putem kontrolera“, a za koju ponuđač kao dokaz nije dostavio brošuru, katalog, tehnički list, sliku niti bilo šta slično te prema tome Komisija nije mogla ustanoviti da li postoji ispunjenost tehničkih karakteristika ponuđene opreme.

Komisija ponovo konstatuje da ponuđač u dostavljenoj ponudi nije naznačio model i tip mjerne opreme koju nudi, te da nije moguće dokazati ispunjenost tehničkih zahtjeva, zahtjevanih tenderskom dokumentacijom. Na osnovu navedenog, Komisija je zaključila da je ponuda ponuđača konzorcija „SIRIUS 2010 - ALPHACHROM“ neprihvatljiva, jer ne zadovoljava tražene tehničke zahtjeve iz tenderska dokumentacije za Lot 5.

U postupku ocjene provedenog postupka, direktor Instituta za mjeriteljstvo Bosne i Hercegovine nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke komisije za nabavku.

U postupku je utvrđeno da je Komisija u svemu pravilno postupila, te da je Preporuka o poništenju postupka nabavke data u skladu sa Zakonom o javnim nabavkama, podzakonskim aktima i tenderskom dokumentacijom.



U skladu sa odredbama Zakona o javnim nabavama, cijeneći prethodno navedeno, komisija je jednoglasno dala preporuku direktoru Instituta za mjeriteljstvo Bosne i Hercegovine da donese odluku o poništenju postupka javne nabave na osnovu odredbe člana 69. stav (2) tačka d) kojim je definisano da je ugovorni organ obavezan poništiti postupak javne nabave u slučaju da nijedna od primljenih ponuda nije prihvatljiva.

**Pouka o pravnom lijeku:** Protiv ove odluke može se izjaviti žalba, najkasnije u roku od 10 (deset) dana od dana prijema odluke o poništenju postupka. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Institut za mjeriteljstvo Bosne i Hercegovine, Branilaca Sarajeva broj 25, 71000 Sarajevo.

Žalba se podnosi u najmanje 3 (tri) primjerka.

  
**DIREKTOR**  
  
**Milica Ristović Krstić, mr**

Dostavljeno:

- Ponuđaču SIRIUS 2010 d.o.o. Banja Luka
- WEB stranica IMBIH-a
- a/a